

29

I. N. J. C.
DISSERTATIO GRADUALIS,
^{DE}
**HARMONIA
REVELATIONIS**
^{ET}
RATIONIS
^{CIRCA}
CURAM CORPORIS,
OCCASIONE DICTI PAUL. AD COLL. CAP. II: V. 23.
CUJUS
Partem Posteriorem,
Consent. Ampl. FAC. PHIL. in Reg. ad Auram Acad.
PRÆSIDE
MAXIME REVERENDO atque CELEBERRIMO VIRO
ISAACO ROSS,
S. S. L. L. PROF. REG. & ORD.
Pubice tueri conabitur
ANDREAS POSSENIUS,
WIBURGENSIS,
Die V. Julii, MDCCCLXIII.

Aboæ Impressiæ J. C. FRENCKELL.



§. VII.

Specimen alterum in lucem edituri, in illis
enodandis, quæ adhuc in eadem ma-
teria dicenda restant, Divino sub au-
spicio, nostras periclitari vires jam per-
gimus. Cum in antecedentibus duo illa momenta,
ad quos & contra quos Apostolus in allato comma-
te scripserat, sufficienter, ut existimamus, sint de-
monstrata; nunc proprius ad id, quod frontispicium
Disputationis promittit, ut accedamus, rei requirit
natura. Omnium autem primum dare definitionem
curæ corporis haud pigebit. Per curam itaque cor-
poris nihil aliud intellectum volumus, quam justum
circumspectumque studium, seu animi sollicitudinem in cor-
pore nostro, cum omnibus ejus partibus integrantibus
vitaque ejus & sanitatem servanda. Commune, proh
dolor! omnibus mortalibus ob contagionem naturæ
est illud vitium, ut media incedere via illis diffi-
cilli-

cillum sit, sed alterutri extremo adhærentes, in quævis devia cœco ferantur impetu. Hoc si unquam in aliis officiis obeundis contingere solet, certe in cura corporis quoque non raro fit, & id quidem variis de caussis; mox corpus nimis vilipendendo & velut odio habendo, mox rursus nimis amando.

Sic quidam fervore pietatem colendi in corpus suum ad-instar tyrannorum sœviunt ruinamque ejus accelerant, cujus exempla, inter nos quidem rariora, suppeditant non hi tantum a Paulo notati & a nobis jam nominati, sed &, quos e Papatu & sequiori ævo perstringit, in se & corpore suo torquendo heroas putatios Gisb. Voëtius Part. III. Disp. Theol. pag. 946. de *Pseudo-mortificationibus papatus*. Alii avaritiæ fœdissimæ ita indulgent, ut in rebus corradendis nimii, corpori etiam ægroto, si non omnia, saltem ea, quæ ad conservandum illud in vigore suo debito & sanitate restituenda maxime sunt necessaria, denegent, quo non possunt non mortem uti præmaturam ita turpissimam sibi attrahere. Idem de illis judicandum, qui ob caussas minus necessarias, laboribus se obruentes, nil dant quieti, in animum æque ac corpus injurii. Horum in numerum illos etiam referendos censeo, qui literis colendis ita incumbunt, ut nihil temporis reficiendis corporis viribus relinquant, sed luebrationibus suis continuis, ita involuti sunt, ut cibi quoque necessarii obliviscantur. Nec qui mœrori nimio totos se tradunt, hinc excludendi sunt. Porro & illos, ut sexcentos alias modos, quibus

recensendis angustia chartulæ hujus non sufficit, siccō transeamus pede, huic classi jure adscribimus, qui affectuum cœstro inflammati, vel gloriæ cupiditate, fortitudinis speciem præ se ferente, incitati, in pericula corpus temere suum conjiciunt. Contra alii corpus suum plus justo amando in alterum excurrunt extreum, illudque aut variis exquisitisque ciborum generibus saginando, destruunt, aut ingluvie atque ebrietate operationes, quibus sanitas & tota corporis fabrica sustentatur, concutiunt, immo haud raro penitus destruunt. Neque vero, qui plus justo, aut somno & ignaviæ, aut immodicæ veneri indulgendo, vires corporis sui, mirum quantum enervant, hujus criminis absolvi possunt. Utrumque vitii genus graviter Paulus nostro in loco reprehendit, eo tamen cum discrimine, ut illos, qui intramodum hic officia corpori tribuunt, vitæ sanitati necessaria detrahentes, directe aggrediatur, quod & scopus & ceteræ, illum non minus, quam Collosenses circumstantes, res postulabant. Qui vero modum excedendo heic peccant, hi, adlati ejusmodi rationibus contra priores, quibus & posteriores officii admonentur, ~~utā dī' vīas~~ taxantur. Quod ut pateat, juvat ipsa verba commatis nostri brevissimis expendere.

§. VIII.

Particulam ~~per~~ initio positam requirere aliquod ~~ad nō gē~~ observari facile potest, quod & factum a pluribus. Erasmus ad hæc verba: mibi videtur hæc

oratio inabsoluta. Pariter Grotius ad huncce locum;
 adesse hic δονοσώμησον τοις ἀνθετέσ, quod facile supplea-
 tur, agnoscit, adductis simul locis N. Fœderis, ubi
 simile quid fiat. Sed non eodem modo supplent.
 Schmidius ad h. l. subaudiri ad verba: εἰπεν τοι
 περὶ τὸ πλησιόν τῆς συζήσ, particulam ἀλλὰ sed, tamen
 posse putat, quæ respondeat τῷ οὐεν in protasi. Ex
 ejus itaque mente cum ἀλλὰ Apostolus jam inchoaret
 ἀποδόσιν seu consequens, ejusque sic fluenter oratio:
 babent quidem prætextum sapientiae in cultu electio,
 humilitate, αφεδία σάματος; ἀλλ᾽ εἰπεν τοι
 sed non in honore aliquo, vel ut paulo post mentem exponit,
 sed non fundamentum (habent) in honore aliquo car-
 nis necessitati debito. Cumque prævideret objici pos-
 se, sic oppositionem ad postremum tantum membrum
 ἀφεδίας a paulo fieri, non ad præcedentia duo, id
 hisce verbis conatur eludere: hanc oppositionem Apo-
 stolus facit, ad posterius membrum, ut doceat, subin-
 telligendum esse aliquid ad præcedentia quoque membra
 b. m. Quæ prætextum quidem habent sapientiae in ele-
 ctio spontaneoque cultu, non autem fundamentum in
 mandato DEL: in humilitate, sed non fundamentum in
 norma scripture: in laetione corporis, sed non fundamen-
 tum in honore aliquo carnis necessitati debito. Sed
 quis non plus subtilitatis quam veritatis isti respon-
 sioni inesse videt, eamque coactione non carere;
 dum præter necessitatem tot intra unum versiculum
 cumulantur ellipses vel ἀποστολήσ; contra: multo
 planius cuncta fluere, si, quod Sacris paginis non
 est inusitatum, ut Philologi passim monent, omissione-

nem consequentis ex antecedentis indole, nullo negotio colligendi, admittamus. Non potest autem isti antecedenti: habent quidem speciem sapientiae &c. aliud consequens respondere, quam hoc: sed sunt merus fucus & stultitia. In reddenda formula λόγος ἔχει φύσις variant, paululum tum Patres Græci, tum Translatores Bibliorum & Commentarii passim, quamvis levi cum discrimine, conf. Schmid. l.c. vix autem aliter exponi potest, quam per speciem habere sapientiae, quæ & communis est sententia. Cæterum apud alios Græcos phrasin non occurrere, rejectis secus sententiam opinionibus, contendit Dn. Doct. Heumannus ad h. l. Speciem illam præter ἔθελοθρησίας & παπενοφερούντιν, quæ ad nostrum institutum non pertinent, collocat Noster εἰς ἀφεδία τῶν σώματος. Quam dictionem Hesychius & Suidas χαροπεῖαι tolerantiam, patientiam interpretantur. Verum non videtur ista expositio vim vocis exhaustire, ut recte observat quidam. Nam ut φείδεθαι, secundum Auctorum usum est parcere, & nunquam molliter habere, ita oppositum ἀφεδίς & ἀφεδεῖν, unde ἀφεδία, non parcendi notionem importat. Hinc observante D. G. P. Oleario in Dissertatione de ἀφεδία τῶν σώματος. 1739. Lipsiæ ab Aristotele IV. Ethicorum ἀφεδίς τὸ διέ δicitur, qui vita non parcit, apud Herodianum πάντας ἀφεδίς κολάζειν de eo, qui omnes non parcendo, h. e. nulla adhibita misericordia, neci tradit. τῶν σωμάτων ἀφεδίν de militibus enunciatur, quibusvis vita discriminibus se haud cunctanter, immo temere saepe objicientibus apud Lucianum Anachartum, quod

&

§)) 7 (§

& Grotius notavit. Itaque non invita lingvæ consuetudine hoc vocabulum pro materia substrata austeritatem, contra jus & fas in personam aut in quam dirigitur, denotare potest. Quod nostro in loco id, immo crudelitatem quandam in corpus cujusq; suum re ipsa denotet, textus circumstantiæ probant. Proinde audiendus non est Grotius, qui hic nobis, modo adsint cautiones, laudabilem quandam *a'quidias* obtrudere conatur, sed de eo mox plura.

Qua in re speciatim crudelitas hæc constiterit ex dictis in parte Dissert. nostræ priori de Eßenis intelligi potest. Nec dubium est multos illorum, etiam Christianos factos, pristinæ abstinentiæ superstitione ac jejuniis nimis sub opinione singularis merci inhæsse, corpus suum his ac similibus modis velut torturæ præter necessitatem subjecisse.

Venit forsitan cui in mentem mirari, quod tandem periculum magnum a talibus timendum esset, præsertim Christianis sufficienti notitia instructis, cum nostris temporibus facilius, ut absurdii sanctuarii, ab omnibus riderentur, qui fidem uspiam inventirent. Respondetur; Quot homines fucata pietas & austerum vivendi genus, etiam nostro illuminatissimo scilicet illo ævo, in errorum casles pelleverit, Historia Ecclesiastica & tristis experientia testatur. Deinde non deerant semichristianis hisce Eßenis colores. Tolerant e. g. obtendere: *a'quidias* hanc, ut Schmidii verbis rem efferam, esse opus laudabile patientiæ & exercitium ejus: sicut optimum opus sit, si quis pro Christo & Ecclesia patiatur paupertatem.

fa-

famem, tormenta, mortem: sic eo laudabilius esse
 hoc corporis & patientiae exercitium, quia sponte
 fiat &c. Multum procul dubio in hoc ponebant per-
 fectionis Christianæ & Martyrii laudem affectabant,
 ut Monachi in Papatu. Nec denique minime pu-
 tantum, quod iis hoc venenum propinaretur, qui,
 quamvis jam Christo associati, tamen cum lacte ma-
 terno duriori disciplinæ pro rigore V. Fœderis ad-
 siveverant, cuique omnem venerationem uno ictu
 exuere non tam facile erat, & quæ ultra Mosen
 exigebant fraudulenti Magistri; ea callide forsitan re-
 quisita a Christianis majori sanctitate & perfectione
 pingebant. De cetero satana instigante, cum reve-
 latio non minus quam ratio neget, sine satisfactio-
 ne peccata expiari, ac in primis Paulus Ebr. IX:
 22. moneat id non fieri posse sine sanguinis effusio-
 ne; ex utriusque principiis male intellectis, dirus
 mos in corpora sive propria sive humana saltem,
 ad Divinum placandum Numen, saeviendi, in ple-
 risque superstitioni additis populis, invaluit. Exem-
 pla in Paganis, Muhamadanis, Judæis, Hæreticis ob-
 viasunt. Baaliticos sacrificulos cultris semet & lan-
 ceolis incidentes videmus I. Reg. XIIIX: 2S. De Æ-
 gyptiis Herodotus, qui sub primis Persicis Regibus
 floruit, Libr. II: pag. 40. dicit: κανούσιν τὰν ἵερῶν τό-
 ποντας πάντες, dum sacrificia ardent seu res divina fit,
 omnes se cædunt. Similiter pag. 61. τύποντας γάρ
 μετα τὴν θυσίαν πάντες τῇ τέλους μεγάλεσσαν κάρη πλήσαι προ-
 θείσιν verberantur mares cum fœminis ad multa
 fere hominum millia. Iстis non absimilia, immo
 saevio-

¶) 9 (¶

fæviora, cum primis quod ad sacerdotes initiandos & homines Diis immolandos, De Syris, Græcis, Romanis aliisque nationibus referunt, Apulejus Motam. Libr. IIX. tum Lucianus de Dea Syra, Plutarchus, item de superstitione Patres nonnulli, alii. Quæ omnia fusi & erudite l. c. persecutus est D. D. Olearius. Quin nec majores nostros, Scandianos pri-
fcos, feram ejusmodi religionem, morum innocen-
tia illa & gravitate, qua alioquin scriptoribus cele-
bres sunt, indignam judicasse dubio caret; Sane
post Odini tempora vel humana sacrificia adeo non
abhorruerunt, ut ne Regum quidem sacrato sangvi-
ni aliquando parsum sit. Humanum sitiit nec un-
quam sitire desinet homicida ab initio. Ex oriente
tamen Evangelii jubare, cum animadverteret cum
illo inhumana ista sacra haud consistere posse, mu-
tata quodammmodo scena, truculentiam prisam, ob-
tentu abnegationis & persecutionis Christianæ, in
ἀφεδιας Philosophico-Essenam per haereticos transfiguravit, μνημεις αινης sic felicius incautis impositurus.
Describitnr porro & rejicitur hypocritica eorum pra-
xis, σκηνη την πρετερην την αγριον. Male utique & infeliciter sic transfert Ben. Zach. nec tam
men nullius sunt pretii, cum ad ea spectant, quibus farci-
tur caro. Palam enim est, pergere Apostolum de
corpo, ac injuriam illi fieri non obscure innue-
re, non vero heic respicere doctrinas ad ea spe-
ctantes, quibus farcitur caro, seu ut Crocius Be-
zam suum, quem & reliquis hic præfert, exponit,
quæ spectant cibum & potum, quibus nec constat regnum

DEI, nec adjuvantur, qui in iis versantur. Corpori
 tribuitur πνή. Nec enim nulla est ratio, cur illa vox
 ad sequentem οὐρανός, quippe quæ ad πλανηταῖς perti-
 net, trahatur, quod post B. Lutherum Grotio pla-
 cuit & Erasmo Schmidio. Lutherum quoque secuti
 sunt Svecus & Feno, quorum hic: eikā tee līhallensa
 cunniata hānen tarpeiansa, melius ad textum Græcum,
 & vitata transpositione illa, esset: jolle (ruumille quod
 proxime præcessit & facile subauditur) ei he tee hānen
 cunniatans līhan tarpeisa (tarperi). Cum te οὐμα & οὐεξ
 h. l. idem notent, in hac differentia, qua sensum,
 nil est situm momenti. Comprehendit πνή corpori
 exhibenda, ex usu Hebræorum præstationem omni-
 um eorum, quæ ad scopum ejus necessaria sunt.
 Cumque DEUS per corpus ejusque vitam & sanita-
 tem non modo intendat usum hujus mundi aspe-
 ctabilis, sed in primis præparationem ad felicem æ-
 ternitatem, quæ nonnisi in unione animi cum cor-
 pore h. e. in hac vita pangī potest, simulque ve-
 lit, ut nostra corpora templa sint Spiritus Sancti,
 apparet, honoris vocabulo omnia officia includi,
 quibus meta hæc, a rerum Arbitro præstituta, at-
 tingitur. Quia tamen cum iis res est, qui ex te-
 nore somniorum Philosophicorum corpus pro car-
 cere abjiciendo eoque nomine indigne habebant,
 ideo πνή in specie h. l. requirit, ne quis fame, siti,
 jejuniis, vigiliis aliisque ejusmodi θαυμαῖς partem al-
 teram substantiæ suæ enervet ac foedam ei sp̄ciem
 immo mortem tandem præmaturam acceleret, sed
 potius, idoneis adhibitis vitæ sanitatisque sustenta-
 culis,

culis, sanam & vegetam conservet. Quod officium ex adiectis quoque: *ωέρε πλησμονὴ τῆς σωγός*, liquet. Simul autem hac formula restringitur sapienter honor erga corpus, ne nimium extendatur illud, ipsius animæ & ejus curæ præferendo, aut cupiditatibus sensuum fræna laxando. *πλησμονὴ* nimirum hic non inferiorem aut abundantiam significat, ut quidam volunt, quod repugnat scopo elenchi Apostolici, sed recte notante Schmidio, id quod explet sufficiantiam debitam, quantum vitæ corporis honeste & moderate sustentandæ sufficit, quam expositionem cum plerisque aliis inter pretibus suo calculo comprobant Olearius & Heumanus locis citatis. Quorum hic, esse hanc vocis *πλησμονὴ* acceptiōnem convenientem usui Versionis Græcæ e. g. Exod. XVI:3. *ἰδίουμεν οὐς πλησματικὴν* satiētatem, & profanorum præterea auctorum, ex Elsmaro docet. Qui & *σώμα* hic idem esse quod & *σῶμα* ex Rom. XIII:14. & Eph. V:28. 29 addito Maximo Tyrio probat. Ceterum dum argumento ab honore corpori exhibendo impugnatur *ἀφεσία ψευδεπιδαπνάλων*, oppido manifestum est, omnia, quæ supra ad excessum modi in cura corporis retulimus, adeoque in primis vitam luxuriosam & intemperantem per consequentiam taxari. Hęc enim aequi immo magis adversantur scopo, quem DEUS per corpus assequi conatur, eoque honori ei debito detrahunt.

Loca alia Scripturæ, quæ de cura & conservatiōne corporis agunt, antequam huicce §. finem imponemus, sufficiat nominare hęc. Eph. V: 29. Rom. XIII: 14.

§. IX.

Evoluta jam sententia Paulina de cura corporis, argumentis a ratione petitis, hanc etiam rem demonstratam dabimus. DEUS uti est ens perfectissimum, h. e. qui nihil quidquam, quod summis ipsis perfectionibus adversatur, agit, ita & non potuit non per creationem corporis aliquem eundemque sapientissimum intendisse finem, qui aliis non fuit, quam gloria ipsis manifestanda, quacum felicitas hominis arctissimo coniuncta est vinculo, adeo ut hac exultante, illa ne concipi quidem, nedum ex sapientissima Creatoris intentione obtainere queat. Si itaque DEUS vult finem, h. e. ut gloria ejus manifestetur, non potest non velle medium ad finem huncce consequendum accommodatum, id est, conservationem corporis nostri, quia alioquin ageret contra sapientiam suam perfectissimam, quod impium foret cogitatu. Ast homines, in statu corporis sano & nullis morborum generibus concusso, ad studium virtutis exercendum officiaque quævis erga DEUM, semetipos & alios obeunda præstantaque esse aptiores alacriores & majoribus instructos viribus, quam cum corpus, aut per nimiam cibi atque potus quantitatem, aut per famem aliaque ejusmodi, eo est perductum, ut ad functiones suas peragendas parum vel nihil conferre queat, quemvis docet experientia. Nam præterquam quod in hisce casibus vires paulatim corporis magis magisque evanescant, etiam ob arctissimum atque intimum illud, quod corpus inter & animum intercedit commercium, fieri certe nequit, quin & anima, consti-

constitutione corporis turbata, in suis operationibus multum impediatur. Amissis autem viribus tam corporis quam animæ, ceu mediis, quibus finis erat obtinendus, seu gloria Divina promovenda, evanescat quoq; finis per creationem hominis intentus, necessum est. Hinc itaque patere putaverimus, DEUM vi perfectionum suarum infinitarum non posse non obstringere homines ad conservandam corpus suum omniaque ea, quæ ad illius destructionem faciunt, sedulo &, qua par est prudentia, evitanda. Hanc esse voluntatem Divinam sanctissimam vel etiam inde demonstrari posse existimaverimus, quod corpus nostrum in ipsa creatione a manu Creatoris sapientissima ita fabricatum sit, ut omnia membra maxima minima in artificiosissima ejus structura ita adornata atq; collocata sint, ut unicuique eorum certam functionem adsignatam sine omni difficultate quivis videat; & quidem talem deprehendat, qualem consetvationi corporis maxime convenientem & sufficientem, æterna præviderat sapientia. Sardonio cette risu est dignus, qui in omnibus hisce considerandis infinitam Numinis sapientiam mirifico splendore corruscare non videt. Ast nulla in hisce delitesceret sapientia, si omnia hæc, totam corporis machinam absolventia, frustra & sine ullo fine ita essent adornata & confecta; quod uti absurdum, ira & impium foret dictu.

Intendit itaq; Creator sapientissimus per omnes quotquot sunt partes corporis, sunt autem fere infinitæ, fines sapientissimos, qui omnes in finem communem, h. e. in conservationem totius corporis conspirare debent, quia alioquin absurdum modo profligatum recurreret.

Intensionem hanc Divinam in conservando corpore

esse maxime seriam, amor ille singularis, naturæ adeo alte infixus, te ipsum conservandi, ostendit, ut vim rationi inferant apertissimam nomineq; hominis se reddant indignissimos, qui eundem sibi vel ex toto exuere vel etiam ita transformare, ut potius in vesaniam degeneret bestiam, volunt. Nam uti in reliquis, ita & in hocce gravissimo alioquin momento, miseros Mortales in duas plerumq; abire devias experientia, uti quotidiana, ita & tristissima, pleno loquitur ore, adeo ut aut omnem amorem sui denegent, moreq; non humano sed tyrannico in semetiplos senviant, aut adeo perverse se ament, ut magis obrutescere quam rationem sequi sanari, non immerito videantur. At tantum abest, ut amor hicce devius finique creationis contrarius, qui potius bruta animantia quam homines decet, DEum agnoscat auctorem, ut potius vel levissima perfectionum Divinarum consideratio luculentissime ob oculos ponat, DEum non nisi amorem sui sanum conservationique hominis maxime convenientem indidisse, vesanam vero amoris sui exorbitantium soli rationis abusui furiosæque hominum scientiæ origines debere suas.

Quamvis illa, quæ in antecedentibus attulimus, sint ejus indolis & roboris ut vividissime nobis voluntatem Divinam de conservatione corporis nostri depingant, non tamen plura deessent argumenta, si hisce ulterius defudandi tempus aliaque rationes permetterent, quibus eandem stabilire rem possumus; sic ex sole, ære & tribus naturæ regnis, rationes haud contemnendas in medium proferri posse, quis non videt. Ex his igitur quamvis breviter & sensim allatis ruto concludimus, rationem inter & revelationem, uti in aliis ita etiam in cura corporis habenda, harmoniam esse siccissimam. Nostrum itaque erit, hocce maximum sanctissimi Numinis beneficium pia agnoscere mente revelatoque huic Divino illuminationis jubari pleno adhærete animo; hoc enim conservationi nostræ consilimus, hoc rationis deliria facillime evitamus, hoc deinde gloriam illustramus Divinam, qua in omnibus nostris propostis ultimus est & cœle debet finis.